

**STATUTI  
I SHOQËRISË ME PËRGJEGJËSI TË KUFIZUAR**

**“MEDICUS-ORTO” SH.P.K**

Sot më datë 21/10/2024 (dymijënëzetekatër) ortaku themelues:

- **Z. FLAMUR VELLKU**, shtetas shqiptar, lindur në Buzëmadhe, Shqipëri, më 17.07.1971, mbajtës i pasaportës BF9393510, me Numer Personal H10717048W, me zotësi të plotë për të vepruar dhe kuptuar; ka vendosur të nënshkruaj Statutin e mëposhtëm të një shoqërie me përgjegjësi të kufizuar, aktiviteti i së cilës rregullohet nga legjislacioni shqiptar në fuqi dhe ky statut.

**KAPITULLI I  
FORMA, ËMËRTIMI, OBJEKTI, SELIA, KOHËZGJATJA**

**Neni 1— Forma**

- 1.1 Shoqëria " MEDICUS-ORTO " Sh.p.k. në vijim ("Shoqëria") krijohet në formën e një shoqërie me përgjegjësi të kufizuar, dhe veprimtaria e saj rregullohet me anë të ketij Statuti.
- 1.2 Shoqëria vepron sipas legjislacionit shqiptar në fuqi.
- 1.3 Statuti është në përputhje me legjislacionin shqiptar që ka karakter të detyrueshëm, ndërsa çeshtjet që nuk janë shprehimisht të parashikuara në to, plotësohen nga legjislacioni shqiptar.

**Neni 2 — Emërtimi**

- 2.1 Emërtimi i Shoqërisë është "**MEDICUS-ORTO**" SH.P.K

**Neni 3 — Objekti i shoqërisë**


- 3.1 Shoqëria ka për objekt veprimtarie: ofrimin e shërbimeve mjekësore vizita, konsulta, mjekime të spezializuara në fushën e ortopedisë, kirurgji ortopedike dhe traumatologji. Tregtim dhe import-eksport materiale dhe barna mjekësore në lidhje me dhe në funksion të aktivitetit të shoqërisë

**Neni 4 — Selia**

- 4.1 Selia e Shoqërisë është në Autostrada Tiranë-Durrës, KM 1, Rruga "Vidhe Gjata", brenda Spitalit Salus, Kati 1-rë, Tiranë, Shqipëri.
- 4.2 Transferimi i selisë së Shoqërisë në një vend tjeter bëhet me vendimin e Asamblesë së Ortakëve.
- 4.3 Asambleja e Ortakëve mund të vendosë hapjen e filialeve, degëve dhe përfaqësive të shoqërisë në qytete të tjera të Shqipërise si dhe jashtë saj.

**Neni 5 — Kohëzgjatja e veprimtarisë**

- 5.1 Kohëzgjatja e veprimtarisë së Shoqërisë do të jetë me një afat të pacaktuar.



5.2 Shoqëria mund të prishet përpara këtij afati ose mund të zgjasë kohëzgjatjen e saj me vendim të Asamblese së Ortakëve.

## KAPITULLI II

### KAPITALI THEMELTAR, KONTRIBUTET, NDARJA DHE TRANSFERIMI I KUOTAVE

#### Neni 6 — Kapitali themeltar

6.1 Kapitali themeltar i shoqërisë është 100 000 (njëqind mijë) Leke.

6.2 Kapitali themeltar i shoqërisë përbhet nga 1(një) kuotë, e nënshkruara në të holla, me vlerë nominale 100 000 (njëqind mijë) Leke;

#### Neni 7 - Kontributet

7.1 Kontributi në kapitalin e shoqërisë është ofruar si më poshtë:

- **Z. FLAMUR VELLKU** do të ofrojë një kontribut në para të barabartë me lekë 100 000 (njëqind mijë) Lekë.

7.2 Sipas kontributeve të mësipërm:

- **Z. FLAMUR VELLKU**, në cilësinë e ortakut themelues është zotërues i 1 (një) kuote me vlerë 100 000 (njëqind mijë) Lekë, e cila përfaqëson 100 % (njëqind përqind) të kapitalit themeltar të shoqërisë.

#### Neni 8 — Rritja e kapitalit themeltar

8.1 Kapitali themeltar mund të rritet pa kufi në çdo moment, një ose disa herë, me vendim të Asamblese së Ortakëve.

8.2 Në rast rritjeje të kapitalit, të gjithë ortakët kanë të drejtën të nenshkruajnë rritjen në raport me pjeset e kapitalit të zoteruara. Në rast se disa nga ortaket nuk e ushtrojnë këtë të drejtë, pjesët e tyre mund të nënshkruhen nga ortaket e tjera proporcionalisht me pjeset e kapitalit të zoteruara prej tyre.

#### Neni 9 — Zvogëlimi i kapitalit themeltar

9.1 Shoqëria mund të zvogëlojë kapitalin themeltar me vendimin e Asamblese së Ortakëve. Në çdo rast kapitali themeltar nuk mund të zvogelohet nën kufijt e parashikuar nga ligji.

9.2 Zvogëlimi i kapitalit përballohet nga secili prej ortakeve në të njejtën masë me pjeset e kapitalit të zoteruara prej tyre.

#### Neni 10 — Transferimi i kuotave

10.1 Kuotat janë lirisht të transferueshme ndërmjet ortakëve.

10.2 Në rast transferimi në çdo lloj forme, si me shpërblim ashtu edhe pa shpërblim në kuptimin me të gjere të fjalës, duke perfshirë ketu edhe dhurimin në favor të subjekteve të tjera të ndryshëm nga ortakët, kuotat duhet me pare t'i ofrohen në parablerje ortakeve të tjere.

- 10.3 Në një rast të tillë ortaku që do të transferojë kuotën e tij duhet të njoftojë ortakët e tjera me letër rekomande me kthim per gjigje, mbi synimin për shitje, duke përcaktuar çmimin, kushtet, modalitetet, emrin e blerësit dhe afatet e transferimit. E drejta e parablerjes duhet t'i referohet të gjitha kuotave të ofruar per shitje.
- 10.4 Ortakët do të kenë në dispozicion 15 (pesëmbëdhjetë) ditë nga marrja e letrës rekomande, për t'i komunikuar ortakut që transferon kuotat, synimin e tyre për të ushtruar apo jo të drejtën e parablerjes. Në rast se ata nuk përgjigjen në afatin e caktuar, prezumohet se kanë hequr dorë nga e drejta e tyre e parablerjes.
- 10.5 Në rast se oferta pranohet nga disa ortakë, kuotat e ofruara nga ortaku që transferon kuotat do të ndahen nga ortakët pranues, në të njëjtën masë me kuotat që ata zotërojnë, përveç rastit kur ka një marreveshje të kundërt. Në asnjë rast, pranuesi i ofertës nuk mund të ushtrojë pjesërisht të drejten e parablerjes.
- 10.6 Në rast se nuk ushtrohet e drejta e parablerjes, kuotat mund t'u transferohen të tretëve plotësisht apo pjesërisht, me vendimin pozitiv të Asamblesë së Ortakëve.
- 10.7 Në rast të transferimit të kuotave për shkak trashëgimie “*mortis causa*” ortakët e tjera kanë të drejtë të shprehin pëlqimin e tyre për ortaket e rinj. Në rast se nuk jepet pëlqimi, kuotat mund t'u transferohen të tretëve plotësisht apo pjesërisht, me vendimin pozitiv të Asamblese së Ortakëve. Në marrjen e vendimit të Asamblesë së Ortakëve duhet të jenë të pranishern ortakët që përfaqësojnë të pakten 51% (pesëdhjetë e përqind) të kapitalit themeltar, dhe vendimi duhet të merret me votë pro të paktën 3/4 (tre të katërtat) të ortakëve të pranishëm. Në rast se nuk arrihet një vendim pro transferimit të kuotave, atëherë do të procedohet me likuidimin e kuotës së trashëgimisë. Përcaktimi i vlerës së kuotës të vënë në likuidim do to kryhet me marrëveshje midis palëve. Nëse nuk arrihet një marrëveshje, palët, me marrëveshje midis tyre do të emërojnë një vlerësues i cili do të përcaktoje vlerën e kuotës që do të likuidohet. Ne rast se nuk arrihet një marreveshje as në këtë pikë, vlerësuesi do të emërohet nga Gjykata e Rrethit Gjyqesor Tiranë me kërkesën e palës së interesuar.

### **KAPITULLI III ASAMBLEJA, ADMINISTRATORET DHE EKSPERTI KONTABEL**

#### **Neni 11 — Asambleja e ortakëve dhe kompetencat e saj**

- 11.1 Organi vendim-marrës i Shoqerisë është Asambleja e Ortakëve.
- 11.2 Asambleja e Ortakëve është përgjegjese për marrjen e vendimeve për çeshtjet vijuese: ndryshimet e satutit, emërimi e shkarkimi i administratorëvë, eksperteve kontabel e likuidatoreve, zmadhimi dhe zvogelimi i kapitalit, transferimi i kuotave, shpërndarja e fitimeve, riorganizimi dhe prishja e shoqërise, miratimi i bilancit dhe për çdo vendim tjetër parashikuar nga ky Statut apo nga legjislacioni përkates.

#### **Neni 12 — E drejta e pjesernarrjes dhe e votës**

- 12.1 Çdo ortak ka të drejtë të marrë pjesë në Asamble, të paraqesë mendimin e tij dhe të japë aq vota sa është numri i kuotave që ai zotëron.

12.2 Çdo ortak ka të drejtë të perfaqësohet nga një person tjetër jo-ortak, i pajisur me prokurë me shkrim, me anën e së cilës mund të japë votën e tij.

12.3 Ortaku nuk mund të lëshojë prokurë per votim per një pjese të kapitalit që zoteron, në qoftë se voton personalisht për pjesën e mbetur.

### Neni 13 — Thirrja e Asamblesë së Ortakevë, Kuorumi dhe Vendimet

13.1 Asambleja e Ortakëve thirret të paktën një herë në vit, brenda 6 (gjashtë) muajve nga mbyllja e vitit finanziar përmiratimin e bilancit, të raportit të Administratorit, ekspertit kontabël si dhe inventarit.

13.2 Asambleja mund të thirret në çdo moment nga një prej Administratorëve si dhe prej një ose disa ortakëve që perfaqësojnë të pakten 5% (pesë perqind) të kapitalit themeltar. Asambleja duhet të thirret nëpermjet njoftimit me letër rekomande me kthim përgjigje që duhet t'u dërgohet ortakëve — në adresën e ortakëve ose nëpërmjet emailit në adresën elektronike të secilit ortak dhe ekspertit kontabël (nëse është emëruar), të paktën 7 (shtatë) ditë përparrë mbledhjes së Asamblesë. Thirrja duhet të përbaje informacion mbi llojin e Asamblesë, mbi çështjet që do të trajtohen dhe për të cilat do to merret vendim, mbi vandin, orën dhe datën e thirrjes së parë dhe të dytë.

13.3 Asambleja mund të thirret edhe jashtë së Shoqërisë

13.4 Në rast se Asambleja e Ortakëve nuk mblidhet me thirjen e parë përmungesën e kuorumit të parashikuar ne piken 13.7 të ketij Statuti, Asambleja e Ortakeve do të thirret brenda 30 (tridhjete) ditesh me të njejtin rend dite.

13.5 Mbledhjet e Asamblesë mund të mbahen edhe nëpërmjet telekonferencës dhe videokonferencës, me kusht që të gjithe pjesëmarresit të mund të identifikohen dhe t'u lejohet atyre të ndjekin diskutimin dhe të nderhyjne në momentin e trajtimit të çështjeve në rend të ditës; pasi të janë verifikuar këto kërkesa që duhet të rezultojne në procesverbalin e mbledhjes, Asambleja konsiderohet e mbajtur në vandin ku ndodhet Kryetari në të cilin duhet të ndodhet edhe Sekretari i mbledhjes.

13.6 Asambleja do të thirret dhe mbahet rregullisht edhe pa respektimin e formalitetave të njoftimit, në rast se janë të pranishërn ortakët që përfaqësojnë të gjithë kapitalin themeltar.

13.7 Vendimet e Asamblese së Ortakëve, për të cilat kërkohet një shumicë e thjeshtë, janë të vlefshme nëse janë të pranishem ortaket me të drejte vote që zoterojne me shume se 30% (tridhjetë përqind) të kapitalit themeltar. Vendimet e Asamblese së Ortakëve që kërkojnë një shumice të cilesuar, janë të vlefshme nëse janë të pranishem ortakët me të drejte vote që zoterojne të pakten 51 % (pesëdhjete e një perqind) të kapitalit themeltar.

13.8 Asambleja e Ortakëve vendos ndryshimet e satutit, zmadhimin dhe zgjedhimin e kapitalit, transferimin e kuotave, shpërndarjen e fitimeve, riorganizimin dhe prishjen e shoqërisë, me votën pro të 3/4 (tre të katërtave) e ortakëve të pranishem që zoterojnë të paktën 51% (pesëdhjëtë e një perqind) të kapitalit themeltar. Në të gjitha rastet e tjera, Asambleja e Ortakëve merr vendime me shumicë të thjeshtë votash të ortakëve që zoterojnë me shumë se 30% (tridhjetë përqind) të kapitalit themeltar.

13.9 Çdo Asamble drejtobet nga një ortak ose ndonjë person tjetër i caktuar nga vetë Asambleja. Për pasqyrimin e vendimit Asambleja emëron një Sekretar, që mund të jetë edhe jo-ortak.

### Neni 14 — Administrimi

14.1 Shoqëria administrohet nga të paktën 1 (një) Administrator i cili do të qëndrojë në detyrë deri në shkarkim apo dorëheqje ose për një periudhë prej 5 (pesë) vjeçare  
Administrator i shoqërisë emërohet Z. FLAMUR VELLKU, shtetas shqiptar, i datëlindjes 17.07.1971, identifikuar me pasaporte me nr. Personal H10717048W



- 14.2 Përfaqësimi ligjor i Shoqërisë i besohet Administratorit. Administrator mund te ushtroj të gjitha fuqitë konform me sa parashikohet ne nenin 95 te Ligjit n. 9901 te datës 14.04.2008 "Për tregtarët dhe shoqëritë tregtare".
- 14.3 Administratori mund të emërojnë përfaqësues të posaçëm për veprime apo kategori të caktuara veprimesh.

#### Neni 15 — Audituesi Ligjor

- 15.1 Në rast se kërkohet nga ligji apo vendoset nga Asambleja e Ortakëve, kontrolli i bilanceve dhe librave kontabël të Shoqërisë mund t'i besohet një ose disa ekspertëve kontabël të autorizuar.
- 15.2 Audituesi ligjor mund të shkarkohet sipas mënyrës së parashikuar nga legjislacioni ne fuqi.

### KAPITULLI IV

#### VITI FINANCIAR, BILANCI VJETOR, SHPERNDARJA E FITIMEVE

##### Neni 16 - Viti finanziar dhe bilanci vjetor

- 16.1 Viti finanziar fillon me 1 janar dhe mbaron me 31 dhjetor të secilit vit.
- 16.2 Viti i parë finanziar fillon në daten e regjistrimit të Shoqërisë në Qendren Kombetarete Regjistrimit dhe përfundon me 31 dhjetor të të njëjtë vit.
- 16.3 Bilancet vjetore, inventari, raportet e Administratorit dhe ekspertit kontabël të autorizuar miratohen nga Asambleja me shumicën e kërkuar nga Ligjt n. 9901 të datës 14.04.2008 "Për tregtarët dhe Shoqëritë tregtare"
- 16.4 Miratimi i dokumentave që lidhen me vitin finanziar duhet të bëhet brenda 6 (gjashtë) muajve që nga fundi i vitit finanziar.

##### Neni 17 – Fitimet

- 17.1 Fitimet që rezultojne nga bilanci vjetor, u shpërndahen ortakëve në proporcione pjeset e kapitalit themeltar të zotëruara.
- 17.2 Asambleja mund të vendosë edhe zbritje të veçanta në favor të rezervave të jashtëzakonshme ose për qëllime të tjera apo dhe shtyrjen e shpërndarjes së fitimeve, plotesisht ose pjeserisht, per vitet financiare të ardhshme.

### KAPITULLI V

#### SHPERNDARJA DHE LIKUIDIMI I SHQERISE

##### Neni 18 — Prishja

- 18.1 Shoqëria prishet me përfundimin e afatit të parashikuara nga Statuti, ose përpëra përfundimit në rastet e parashikuara nga Ligji, ose me anë të një vendimi të asamblese së Ortakëve, me shumicën e kërkuar për ndryshimet në statut.
- 18.2 Shoqëria nuk prishet në rast të humbjes së zotesise per të vepruar, vdekjes, ose falimentimit të ortakeve.

### **Neni 19 — Likuidimi**

- 19.1 Në rast shpërbërjeje, shoqëria do të vendoset në likuidim
- 19.2 Për ta administruar këtë procedure, Asambleja emëron një ose me shumë likuidatore, të cilët paraqesin raportet përfundimtare mbi gjendjen e aktivit dhe pasivit të Shoqërisë, mbi operacionet e likuidimit dhe mbi kohen e nevojshme per të perfunduar likuidimin.
- 19.3 Me përfundimin e procedurës së likuidimit, Asambleja do të vendosë mbi bilancin finansiar përfundimtar, mbi punën e kryer nga likuiduesi dhe mbi perfundimin e procesit të likuidimit.
- 19.4 Pas pagimit të kreditoreve dhe mbledhjes së kredive, likuidatori do t'i shpërndaje të ardhurat përfundimtare të likuidimit ortakëve, në proporcion me pjesët e kapitalit të zotëruara prej tyre në kapitalin themeltar.

### **Neni 20 - Zgjidhja e mosmarrëveshjeve**

- 20.1 Të gjitha mosmarrëveshjet që mund të lindin në lidhje me interpretimin dhe/ose zbatimin e këtij statuti dhe aktit të themelimit, si edhe ato që mund të lindin në pergjithesi midis ortakëve (perveç atyre personale apo jashtë Shoqërisë) ose midis një apo më shumë ortakëve dhe Shoqërisë, do të zgjidhen në mënyrë miqësore dhe do të diskutohen në mënyrë të drejtperdrejte ndërmjet palëve të interesuara.
- 20.2 Në rast se nuk arrihet në një zgjidhje miqësore të mosmarrëveshjes, ato do t'i besohen Gjykatës së Rrethit Gjyqësor Tiranë.

### **Neni 21 — Dispozita të fundoit**

- 21.1 Ky Statut është hartuar ne 2 (dy) kopje në gjuhen shqipe dhe u nënshkrua pa verejtje nga ortaku themelues në vendin e krijimit.
- 21.2 Gjithçka nuk është parashikuar shprehimisht në këtë status do të disiplinohet nga legjislacioni tregtar dhe ligje të tjera të lidhura me të, në fuqi në Republikën e Shqipërisë.

\*\*\*

### **ORTAKU THEMELUES**

**FLAMUR VELLKU**

